

659

---

Lh-45



891.99

*Handwritten signature in Armenian script*

Մ. ԱԻԵՏԻՍԵԱՆ.

Կո 42.

# ԿՈՅՐ ԲԱԲԻՆ

Քերթուած

*Handwritten signature*

Տպարան Ն. Երևանցիանի  
ԲՍ. Գ. ՈՒ

1904

3 6 FEB 2013

Дозволено Цензурою 9 Апрелья 1904 г. Тифлисъ.



19571-58

## ՄԻՐԵԼԻ ՏԻՄՕՆԻՆ

Պատրաստեցի եմ այս փոքրիկ ձօն  
Անտիպատիդ սեզ զառակիւն,  
Որ անսայթստ բռնած ուղիւն՝  
սլանում է  
Դեպ երբիւ Ազատ Ոգիւն . . . :







# ԿՈՅՐ ԲԱԲԻՆ

Քերթուած

## I.

Երբեմն երբեմն, երբ ներկան մտացած՝ ան-  
ցեալ քաղցր յիշողութիւնների մէջ եմ վնտուում մխի-  
թարութիւնս. երբ անցեալ օրերս յաջորդաբար կամ  
խառնիխուռն վերակենդանանում են. երբ կեանքիս  
հաճոյք պատճառող անցեալ, վաղեմի դէպքերը հմայիչ  
տեսք ստացած պատկերանում են աչքիս առաջին.  
Ես յաճախ այդպիսի ըոպէներում սիրում եմ մտքս  
մի թռիչք գործել դէպի հին, արևելեան մայրա-  
քաղաքը, մի պտոյտ անել նրա նեղ ու խուլ, կեղ-  
տոտ ու բորբոսնած փողոցներում: Հզիտեմ ինչո՞ւ  
այդ հին, արևելեան անկիւնը ինձ այդպէս գրաւում,  
դիւթում է: Կարծես այսօր, այս ըոպէիս աչքիս  
առաջն է այն երկար, անվերջ ուղտերի կարա-

ւանք, որ անապատի միջով, լուսնեակի արծաթա-  
գոյն լուսով քօղապատուած, հանդարտ առաջ է ըն-  
թանում: Նրանց դանդաղ ընթացքը, զանգակների  
ձայնը, ուղտապանի երբեմնեան զիլ, մեղամաղձիկ  
երգը, որ տարածւում, թալոււմ, անհետանում է  
չրջապատի ամայութեան ու լուլթեան մէջ—ինձ  
գերում, խոկումների աշխարհն են գցում: Յիշում  
եմ Փրդուսուն. Չահ-նամայի Ձահալիներն ու Ռուս-  
տամները պատկերանում են առաջիս: Կեանքի դան-  
դաղութեան այդ ծովում կարծես մեղանշում եմ բը  
նութեան դէմ քառաձի կառքի մէջ նստած արագ  
սլանալով. հրամայում եմ կառապանիս դանդաղ,  
շատ դանդաղ քշել ձիերին. նա զարմանում է ինձ  
վրա, որ մի բանի բոպէ առաջ խոստանում էի ա-  
ռատօրէն վարձատրել, միայն թէ մարակին ոյժ  
տար, իսկ այժմ ինքս եմ պահանջում դանդաղ ըն-  
թանալ. աւելի դանդաղ, ճիշտ այնպէս, ինչպէս կա-  
րաւանն է շարժւում:

Չեմ հասկանում ես նրանց ոչ փսփոսոցը և ոչ  
զիլ մեղեղու ելեւջները, բայց դրանք ինձ հետաքրք-  
րում են. շուրջս անապատ է, սակայն ես այդ ան-  
նապատում փնտռում եմ իրեր, առարկաներ,—ան-  
ցեալ դէպքերը պատմող հզօր կոթողներ . . . բայց  
ոչինչ, ոչ մի նշան չըկայ, որ ապացուցէ թէ այս-  
տեղ ապրել են, կամ ապրում են մարդիկ: Ինչո՞ւ է  
հետաքրքրում ինձ այս անապատը իւր ամայութեամբ  
ու լուլթեամբ . . . : Արդեօք սա չէ՞ Չապուհների ու



Յագիկերանների բոյնը, Արշակների ու Արտաշէսների  
զերեզմանը . . . Ու ես մտքով [Թռչում եմ մի քա-  
նի դար դէպի յետ, կարծես սիրելի են ինձ այդ  
ժամանակները իրանց ահուկիութեամբ ու վայրենու-  
թեամբ լի ամեն տեսակ փոթորկալից անցքերով...:

Ահա այն բնակարանը, որ ինձ ծառայում է  
[Թէ իբրև կարինետ, [Թէ ճաշարան և [Թէ ննջարան:  
Փոքրիկ սենեակէ, սղոզուած ճրագի ազօտ լուսով,  
ամեն երեկոյ ընկերներս այդտեղ են հաւաքւում խօ-  
սելու, վիճելու . . . անվերջ վիճարանութիւն՝ ա-  
ռանց ծայրին հանգելու, տրամաբանութիւն-առանց  
եզրակացութեան: Խօսում ենք, սպեորում, վեհ, ազ-  
նիւ ոգևորութեամբ՝ համոզուած [Թէ երկրագունդը  
մեր մի խօսքի զօրութեամբ բոլէապէս կը փոխէ  
իւր դիրքը, մակերևոյթը. խօսում ենք ճգնաւորի  
հաւատով, որ համոզուած է [Թէ մի խօսքով լեռներ  
պիտի շարժէ: Ահա Մ. ձեռքերը շփելով անց ու դարձ  
է անում սենեակում և քայլերին համընթաց խօսքեր  
է հեղեղում, առանց ժամանակ տալու մեզ [Թեթեա-  
ցնել սրաներիս վրա ծանրացած խօսքերի բեռը.  
մինչև այսօր ականջիս են զարկում նրա անկեղծ յուզ-  
մունքի ան ու հառաչը, կամ [Թէ բերկրութեան ու-  
րախ բրբիջը, որ մեզ էլ համակերպում էր խօսակցի  
տրամագրութեամբ: Նրա հզօր, խիզախ ու յանդու-  
գրն ձայնը, որ դիտեմ, տարածւում ու [Թաղւում էր  
հին քաղաքի ճահճացած մթնոլորտի մէջ առանց ար-  
ձագանք յետ բերելու. մինչև օրս էլ լսելիքս փայ-

փայլում է: Ես յաճախ բնակարանս համեմատում եմ  
անմահ Բաֆֆու նկարագրած Պարոյր Հայկազնի  
սինեակին—Աթէնքում: Պարոյր իւր ընկերներով  
բնակւում էին այնտեղ իրանց խաւար հայրենիքի հա-  
մար մի պայծառ ջահ, բերելու, իսկ մենք ապրում  
էինք այստեղ՝ շրջապատի թանձր խաւարը լուսա-  
ւորելու մեր բերած փոքրիկ լուսով . . . :

## II.

Գիշեր է: Արքայանիստ քաղաքը փայլուց  
արդէն մրափում է Մօրփէոսի գրկում. ոչ մի ձայն  
չըկայ, բացի գիշերապահների երբեմնեան զիլ ու-  
նոցից. շնայելով որ արգելուած է ժ. 10-ից յետոյ  
անցնել փողոցներով, բայց ընկերներս չեն ուզում  
տուն գնալ. ժամը 12-ն, է իսկ մենք դեռ վիճում  
ենք. «Երէկ, «ոչսօր» «և» «վաղը»—ահա մեր վիճարա-  
նութեան նիւթը: Ամեն մէկը մեզանից աշխատում է  
շատ խօսած լինել և երբէք ինքնակամ չէ ընդհա-  
տում, մինչև որ մի ուրիշը հերթի օրէնքը մէջ չէ  
զցում, կամ թէ առանց հերթի խօսքերի նոր պա-  
շար հաւարած հրասպարակ չի շարտուում. մի ուրիշը  
չսպասելով հերթին, կամ աւելի ճիշտն ասած շրտ-  
տանալով ստիպուած լեզուն մի կողմն է դնում և  
ձեռքերով է սկսում խօսել. երբորպր մի ձեռքով  
սրա բերանն է փակում, միւսով ուրիշին, որպէսզի  
լեռնաշափ վիշար, սրաի վրա ծանրացած խօսքերի

բեռը տուն շը տանէ . . . բարոյն են խօսում և նրանց լսում է միայն լուռ, քիսած շրջապատը. ու նրանց խօսքերին օրօ՛ր, անվերջ օրօր՝ ասում:

— Մնւ, սուս, յանկարծ կայծակնահար եղածի նման մէջ եմ ըլնում ես — լսեցէք տղայք: Նրանք ի հարկ է ինձ ականջ շեն դնիլ, բայց դրո՞սից եկող ձայնը բոպէսպէս նրանց էլ դիւթում է . . . :

Այն, շատ եմ սիրում յիշողութեանս մէջ վերականգանացնել այս պատկերները, բայց աւելի սիրում եմ յիշել այն զի՛լ, ջղերիս վրա սաստիկ ազդող ելեէջները, որ ամեն երեկոյ, ամեն գիշեր լրսւում էր փողոցում: Ես արդէն սովորել էի տարբերել այդ քաղցր ձայնը բազմաթիւ նոյնանման ձայներից. այդ ձայնը ինձ գերում, կախարդում, ըզմայլժուճէր էր պատճառում: Չատ էի ցանկանում տեսնել այն էակին, որի լալահառաշ կրծքից դուրս էր թռչում այդ արբեցուցիչ մեղեդին. տեսնել, խօսել նրա հետ, ծանօթանալ նրա սրտին և ըմբռնել երգի խմաստը. արդեօք խօսքերն էլ այնքան ազդեցիկ են, միտքն էլ այնքան կաշկանդող է, որքան ձայնը:

— Մնւ կացէք, Բարին է ձայնեց Մ. բոլորի խօսքերը սառան շրթունքների վրա. դժգոհ՝ որ չըկարողացան վերջացնել ասելիքները, նրանք լռեցին և հետզհետէ հանգարտուեցան:

Չայնը այժմ աւելի պարզ էր լսում:

— Ո՛վ է այս երգիչը, տղայք հարցրի ես.

— Կոյր Բարին է, եղաւ պատասխանը



— Իսկ սի է կոյր Բաբին, կամ ինչ է երգում

— Աշուղ է, այնպիսի աշուղ, որից հազարա-  
ւորներին կը հանդիպես Թէհրանում. իսկ թէ ի՞նչ է եր-  
գում, շատ դժուար է հասկանալ:

— Այժմ այնքան լաւ չի երգում—յարեց միւսը,  
ձայնը մի քիչ թուլացել, ոյժը կորցրել է. առաջ պի-  
տի լսէիր, երբ երգում էր ամեն կողմից թափում  
էին դլխին, ականջ դնելու . . . :

### III

Երեկոյ է. մարտի երեկոներից մէկը—երբ Թ-ում  
արդէն ամառն է. վաղուց բարեպաշտ շիաները  
ծոմերը բացել են. շատերը նոցանից քաշուած տան  
մի անկիւնը բարձրաձայն դուրան են կարգում, որ-  
պէսզի լուսաբացին մի լաւ ընթրեն և յետոյ քնեն  
մինչև հետևեալ օրուայ կէսը, կամ հէնց ամբողջ  
օրը, սր աւելի ոյժ ունենան սատանային յաղթելու  
և ծոմ մնալու: Չատերը հաւաքուած զահալէխանէքում  
չըջապատել են ծալապատիկ նստած, կամ կանգնած  
կանաչ գլուխ սէյիդին և լսում են նրա սուրբ շրբ-  
թունքներից բզխող դուրանի հատուածները, կամ  
հոգեշունչ քարոզները:

Փողոցները դատարկ են ու մութ. չորս  
կողմը ոչինչ նշմարելի չէ. մարդկային բնակավայրի  
մէջ գտնուելը զգում ես միայն զահալէխանաների  
դռնից դուրս ցուացող աղօտ լուսից, կամ գիշերային  
զահապանների փոքրիկ լապտերներից:

Ես ու ընկերս-Յ. տուն ենք շտապում, մեր առաջից գնումէ ծառան ահագին լապտերը ձեռքին, որով միայն կարելի է լինում որոշել ճանապարհը. հակառակ դէպքում մի սխալ քայլ մեզ կտանէ ամեն փողոցում փորուած լայնաբերան ջրհորներից մէկի խոր յատակը. մենք խօսում ենք շատ ցած ձայնով. այդպէս է տրամադրում շրջապատը:

— Ախ, կրկին այն ձայնը, սպասիր Յ. ասացի ես, բռնելով նրա թևից. և մենք կանգ ենք առնում, որպէսզի աւելի լաւ լսենք. ձայնը այս անգամ մօտիկից էր գալիս, սակայն շուտով կտրուեց. մենք նորից առաջ ենք անցնում: Յանկարծ մեր առաջ, հեռու խաւարում դժագրւում է մի մութ կերպարանք. նա դէպի մեզ է գալիս և սրբան մօտենում ենք միմեանց, այնքան աւելի սրոշում է. մարդկային է կերպարանքը:

— Նա՛ է, հարցրի ես.

— Նա ինքն է.

— Կանգնեցնենք, թող մի քիչ երգէ:

Երկուսով էլ տրամադիր ենք լսել նորան:

Եւ նա սկսեց. օ՛հ, գրիչը թոյլ է, շատ թոյլ, արտայայտելու համար այն զգացմունքը, որ զարթեցրեց իմ մէջ այդ երգի փոքրիկ կտորը. կարծես ես տեսնում էի առաջիս ընկած որդեկորոյս մօրը, որ գըրկած իւր սրդու արիւնհաշագախ դիակը արտասուք է թափում, աղերս է կարդում: Մարմնովս անհասկանալի դող է անցնում:



— Ի՞նչ ես երգում գու, սէր թէ ատելութիւն, վիշտ, թէ վրէժ—գուրս թուա իմ շրթունքներից, ես ինձ կորցրելիս, մոռանալով որ նա ինձ չէ հասկանում. նա կտրեց իւր ձայնը և երկար գաւազանի ծայրով սկսեց ճանապարհը շօշափել, առաջ անցնելու համար. նա կոյր էր: Չեռքերս առանց թոյլտուութիւն խնդրելու բանականութիւնիցս, սրտիս բունն գրգմամբ մտան գրպանս, և ես մթութեան մէջ նրա ձեռքը կոխեցի ունեցածս դրամը. կուզէի ամբողջ գիշերը կանգնել ստի վրա ու լսել, բայց նա մի քանի բառ մոռալով մեզ թողեց: Յետ ենք նայում, նա արդէն կորած է խաւարի մէջ:

— Գրան ինչո՞ւ են Բարի կանչում, հարցրի ես չիմանալով այդ բառի իմաստը:

— Որովհետեւ բարիականութեան հետևող է, և ասում են, որ երգերի իմաստը վերցրած է այդ նոր վարդապետութիւնից: Չատ բաներ են պատմում դրա մասին. ոմանք ասում են թէ դա առաջ կղել է մեծ մուշտայիզ, յետոյ Բարին հետեւելով պաշտօնից զրրկուել և աքսորուել է. միւսները պնդում են թէ հասարակ գէրվիչ է և այլն:

— Այնուամենայնիւ հետաքրքիր է իմանալ դրա ով լինելը և երգերի իմաստը. ասացի ես, մանաւանդ որ, ինչպէս ասում ես, Բարի վարդապետութիւնից են վերցրած, իսկ ես այդ նոր ազանգին ծանօթ չիմ:

— Բայց բո ջանկութիւնը դժուար է իրագոր-

ծել, որովհետեւ նա միշտ լինում է փողոցներում, այնտեղ երգում է, այնտեղ էլ քնում. խի փողոցում մի կտոր երգ լսելով, դու նախ չես կարող հասկանալ, երկրորդ, ենթադրենք թէ հասկացար էլ, մի երգով ինչ գաղափար կարող ես կազմել նրա մասին: — Համաձայն եմ. բայց մի լաւ բան յիշեցրիր. չէնք կարող արդեօք դրան մի անգամ բերել մեզ մօտ, ինչպէս անցեալ օրը բերինք Ջուղայից եկած հայ աշուղին:

— Գուցէ յաջողուի . . . :

Ես մի մեծ գիւտ արածի պէս ուրախութիւնից վեր վեր եմ թռչում և քիչ է մնում դռան սոյնակը կոտրեալ ու ժգին հարուածներովս. դպրոցի ծերունի ծառան բալի դուռը բաց է անում և մենք ներս ենք սլանում: Ամբողջ գիշեր ես այդ երեկոյ լսած երգի ազդեցութեան տակ եմ:

#### IV

Մեր դպրոցում կար և մի պարսիկ ուսուցիչ, պարսկերէն լեզուի համար. նրան ասում էին Միրզա և մինչև վերջ էլ, նրան ես ճանաչում էի այդ անունով. շատ յաճախ Միրզան գալիս էր ինձ մօտ, խօսում էինք, վիճում և շատ անգամ էլ միտսին ճաշում, կամ թէյ խմում: Առաջին անգամից ես շատ զարմացայ թէ նա ինչպէս իրեն թոյլ է տալիս մի „անհաւատի“ հետ նստել, կանգնել, և զարմանքս աւել-

լի սաստկացաւ, երբ տեսայ որ նա չէ խորշում ուզելից ըմպելիքներից: Թէև Պարսկաստանում ընդհանուր ախտ է ոգելից խմիչք գործածելը, սակայն այդ կատարուում է գաղտնի. իսկ Միրզան գինին խմում էր այնպէս, ինչպէս մի անցորդ մահմեդական, որ ծարաւ էլ չէ, սակայն կանգ է առնում մզկիթի դրան մօտ կոկորդը թրջելու այնտեղ դրուած տակառի ջրից և դրանով իւր կրօնական վեհ պարտականութիւններից մէկն է կատարում:

Բայց ինձ առելի գարմացնում էր Միրզայի ազատամտութիւնը. շատ լաճախ նա գատափետում էր մահմեդականների ֆանատիկոսութիւնը. փորձում էր խօսել լուսաւորութիւնից, գրականութիւնից և այլն: Գաղտնիքը պարզուեց, երբ ես իմացայ որ Միրզան ազանդաւոր է — բաբիական է:

Այդ ես վազուց զիտէի, և մի միտք ծագեց ինձանում. արդեօք Միրզան չգիտէ ո՞վ է կոյր Բաբին. կամ չի՞ կարելի նրա միջոցով նրան այստեղ բերել: Եւ միւս առաւօտեան, երբ Միրզան ըստ սովորականի՝ գասերն սկսելուց կէս ժամ առաջ մտաւ իմ սենեակը, ես նրան հարցրի.

— Միրզա, դու ճանաչում ես կոյր Բաբիին,

— Կոյր Բաբի, աշուղի՞ն:

— Այո՛:

— Կայ արդեօք Թէհրանում մի բաբի, որ չըճանաչէ նրան:

— Իսկ նա ի՞նչ է երգում, գիտե՞ս:



— Մի՞թէ կայ Թէհրանում մի բարի, որ շիմանայ թէ նա ի՞նչ է երգում: Նրան մենք անուանում ենք, կամ աւելի ճիշտն ասած՝ իրանից ենք սովորել անուանել „Վրէժի Երգիչ“, կամ „Հալածանքի Ծիւղնդ“: Նա այժմեան բաբիներին մեծ վարժապետն է:

Ես ուրախացած այս նոր տեղեկութիւններով, թոյլ շտուի յարգելի Միրզային շարունակել իւր պատմութիւնը և քնդհատելով նրա խօսքը հարցրի:

— Իսկ նրան չէ՞ կարելի մի անգամ բերել այստեղ:

— Այդ շատ դժուար է, որովհետեւ նա ոչ մի տուն չէ մտնում. մի միայն երբեմն, այն էլ շատ հազիւ գալիսէ մեզ մօտ . . . թաղը. նախկին քաղաքապետ Եահհա Գովլէի տունը, որտեղ մենք պաղտնի ժողովներ ենք ունենում:

— Բայց նա քեզ կը վստահանայ, դու կարող ես նրան բերել այստեղ, խնդրում եմ, Միրզան, մի մերժիր, եթէ դու ցանկանաս, անշուշտ կյաջողեցնես:

— Զատ լաւ, ասաց Միրզան, շրկարողանալով դիմանալ իմ բուն թախանձանքներին. միայն ոչ որի շասես:

— Ուրեմն այս երեկոյ կսպասեմ:

— Այդքան շուտ չեմ կարող խոստանալ, միայն կյաջողեցնեմ անշուշտ, ասաց Միրզան և շտապեց դասատուն:

Այս բոլորը յիշում եմ--կարծես երէկ էր. իսկ այն երեկոն, ս՛հ այն երեկոն--երբէք, երբէք չեմ կարող մոռանալ . . . :

Վ

Ճրագի համեստ լուսով ողորուած սենեակում նստած ենք շորս հոգի: Մեր դէմ ու դէմ, մէջքը պատին յենած, գաւազանը ձեռին, կանգնած է կոյր Բարին: Ես մտքերի մէջ սուգուած անթարթ նայում եմ նրա կմաղք դարձած դէմքին, փոս ընկած, խաւար աչքերին: Նա երկու ձեռքով գաւազանի վրա յենուելով սկսեց:

„Տիեզերքի այն փոքրիկ անկիւնում, որը մեզանից կոչուում է աշխարհ և որի վերայ ազատ բնութեան վարդերն ու շուշան, որի վերայ են վախկոտ նապաստակն ու հզօր առիւծն իրանց որսն անում, որտեղ մեծ ծովն ու փաթրիկ վտակը ունին միշտ իրանց բնակարաններ, որտեղ շնչաւոր ամեն մի էակ սնունդ է առնում.— այդտեղ, այդ ազատ ու լայն աշխարհում ճակատագրի որոշմամբ՝ յանկարծ մի օր գոյութիւն ստացաւ մի հէզ ու թշուառ, խղճուկ արարած“:

„Նա մի մանուկ էր,—ինչպէս լինում են բոլոր մանուկներն. նա շէր տարբերում և ոչ մի բանով իւր նմաններից, միայն թէ նորա անմեղ մարմինը փոխանակ բեհեզ, ազնիւ կտորի՝ լաթերի մէջք գտաւ իւր մրափ“:

„Նորա խեղճ հայրը շատ ուրախացաւ, երբ տեսաւ նորան, բայց խսկոյն նորա սրտի խորքերից



մի կսկծալի հառաչ գուրս թուաւ, բանի որ լուծը՝  
իւր վզին դրուած, աւելի սաստիկ պիտ ճնշէր նորան։  
Եւ նորա անմեղ, մանկական ճիշը սաստիկ վրդովեց  
իւր մօր հանգիստը“ :

„Աստճու ստեղծած վառ արեգակը զլացաւ  
իրան թարմ ճառագայթով կազգուրել նորա մատաղ  
մարմինը, բանի որ նա միշտ գաշտերից հեռու,  
կանաչ պարտիզի թարմ ծաղիկներից ընդմիշտ զըր-  
կըւած, հազիւ շնչում էր ընդարձակ երկրի ստորին  
յարկում. նորա սուր ճիշը տարածւում, թաղւում,  
անհետանում էր գետնափոք խուզի խուլ անկիւն-  
ներում և անխելի մնում Արարչին“ :

„Նա միշտ գուրկ մնաց հովասուն լերան կեն-  
սատու օղից ու նորա մանուկ լսելիքները չը փայ-  
փայուցեան դառնուկի քաղցրը, անուշ մայիւնից.  
նորա լուռ, մարմնող, բայց շատ գեղեցիկ գոյգ  
աչիկները չը վայելեցին մեծ տիեզերքի Տիրոջ  
ձեռակերտ գորգի երվներանգ գոյների չընաղ, պէս-  
պէս պերճանքը“ :

„Հողը շուղեցաւ իւր վերայ կրել նորա ստքերի  
թոյլ ծանրութիւնը. վճիտ առուակը զլացաւ յաւէտ  
անդրագարձնել իւր հայելիում նորա վշտահար, նիհար  
դատկերը. մեղմ սիւքը նորա խուզից շատ բարձր  
հարթեց իւր ուզին, որպէսզի յանկարծ չըրկաչի  
նորան՝ շարատաւորուի. արեգը իրան ճառագայթները  
ստանամանիքի միջով պանքոցաւ հաղորդել նորան“ :

„Ու տիեզերքի շորտաւորներն այսպէս ան-

85-12561



հաշտ մնացին նորան ծննդեան առաջին օրից, քանի որ նորա լերկ թևիկները չէին բարուրուած անգին բեհեզի, կերպասների մէջ . . . “:

„Եւ նա սովորեց աշխարհին նայել իւր ստոր-  
կիրեայ, խաւար խրճիթից, ու նորա սրտում բար-  
դուեցան անէծք, լեռնաշափ վշտեր, և նա իւր ան-  
շուք որբանից երգուեց անկենդ նզովքի շանթեր ար  
ձայնի իւր նմանների բիրտ պարանոցին, նախապինք  
կարգալ անգութ մարդկութեան, անողոր, անխիղճ  
ճակատագրին“:

„Եւ բնութիւնը, կարծես թէ, լռիկ փափսում  
լինէր նորա ականջին. աշխարհի ազատ՝ քեզ փակ է  
ուղին, աշխարհը լայն է, խոկ քեզ միճակուեց սիրա-  
հար մնալ անձուկ գազազին. ստրուկ ես ծնուել,  
պետք չէ ստրիկին յանդուգն դուրս գալ ընդդէմ բնու-  
թեան . . . և այդպէս ճնշուած բիրտ լծի տա-  
կին ճակատագրի՝ ստրուկ պիտ մեռնիս, անէծք  
կարգալով ամբողջ մարդկութեան“:

„Ու նա լսում էր միշտ այս խօսքերը, և նորա  
սրտում նախանձի թոյնը աւելանում էր: Նա նախան-  
ձում էր վեհ, բարձր սարին, որ իբրև կաթող աշխարհի  
փառքին, հպարտ գազաթը երկինք էր ցցել, ամ-  
պերը թողած է՛լ վեր բարձրացել, կապոյտ եր-  
կինքը ընտրել էր միայն գրոյցի՛ բնկեր“:

„Եւ որպէս կարմիր, աննման վաղբը, կամ վայ-  
րի ծագիկ՝ շար ձեռքով սրկուած իրան արմատից.  
արևից հեռու, թարմ օդից զրկուած՝ օրէցօր թօշ-

նում, մահուան է դիմում, բայց մինչև վերջին հրա-  
ժեշտ տալը իրեն արմատին, մնում է սիրող ազատ  
օդն ու լոյս. մինչև վերջին շունչ բողոք է կար-  
գում ճակատագրին-իրեն հալածչին՝ նա իւր խըր-  
ճիթում խաւար, միթագին՝ մնաց միշտ փափագ  
գրսի արեին. և իրան սրտում կաթիլ առ կաթիլ  
բողոքի շանթեր գիգեց, պատրաստեց՝ տեղալու  
մի օր իւր նմանների անարգ ճակատին. և մնաց  
յուսով, թէ երբ էլ լինի, պիտի խիզախէ իւր  
ստորերկրեայ բնակարանից դէպի լեռների վեհ  
պապածները, դէպ Ազատութեան Ոգու աթոռը,  
անողոր կերպով յափշտակելու նորանից այն՝ որ  
զլացան տալու, կամ թէ խլեցին իւր օրօրոցում  
իրան ձեռքերից՝:

„Անդուսպ առիւծից օրինակ առած՝ անվեհերու-  
թեամբ չարոցից վանդակը, ոտնաւառակ տուեց իրան  
խրճիթը-դարերից ի վեր նուիրագործած իւր նախ-  
նիքների բնակավայրը, ու դուրս շտապեց միութե-  
ան ճանկից դէպի լուսավայլ, վառ արեգակը“:

„Մենակ եմ, դռնեց. երկնային Ոգի, Գն, որ  
բարձրացած եթերից էլ վեր, գահից ոտքերը ամ-  
պերին յենած՝ ծաղր ես կարգում երկնի ստրուկ  
երկրի խեղկատակ մարդոց խմբակին. Գն ինչո՞ւ հա-  
մար պառնէչ ձգեցիր, մեզ տարբեր ուղի ու կեանք  
տուեցիր. մէկի շրթունքին ծիծաղ ու ժպիտ, միւ-  
սին թախծի անօթ շինեցիր, մենակ եմ, տուր ինձ՝  
ինձ նման ընկեր. Քս մի նշանով կամ վայրկենապէս



ինձ էլ թուցրու գէս կ'ըծերային այդ ազատ ուղին, կամ թէ վերելից հուր-կրակ տեղան, ջնջի՛ր, կործանիր հաստ սարխասները, որ արգելում են կենսատու օդին ազատ արշաւել թէ գէս կ'ըծինամբարձ բարձր սպարանրը և թէ գետնափոր խոնաւ խրճիթը. . . « :

„Ու նա վազում էր փրփուրը բերնին կանաչ գաշտերով“ :

„Սիղաւէտ մարգը, կարկաշուն առուն, գարնան նորագարդ երփներանգ գորգը նորան մի բոսլէ շեն կասեցնում. հաստ ցուպը ձեռին՝ գիշեր, թէ ցերեկ անտառ, անապատ, սար, դաշտ ու հովիտ ոտի տակ տուած՝ վազում էր յառաջ“ :

„Որքան փուշ, տատասկ նորա սրունքից արլուն ծծեցին. որքան վարդ, աւաղ նորա երակի կարմիր հեղուկով իրանց ծարաւը յագեցնում էին... իսկ նա չէր նայում, չէր ուզում տեսնել, թէ ի՞նչ էր ընկած իրան առաջը“ :

„Հի ի հի, ծարաւ, տանջալից գէմբով, թալիւծն աչքերին, ահուկի սարը ոտի տակ տուած՝ գնում էր վերև“ :

„Կանգ առ, ստանճակ, յանկարծ նա լսեց լիրան կատարից Նթերի Ոգու սոսկալի ձայնը, և երկնի փայլակն շեշտակի անցաւ նորա աչքերով ու ներս թափանցեց մինչև ուղեղը“ :

„Ու նորա ըմբոստ, յոգնած ոտքերը մեխուեցան հողին, նորա դաւաճան, գոզոջուն ծնկներն իսպառ ծալուեցան, և նա ուշաթափ փռուեցաւ գետնին“ :

„Գլուխը դրած թախծապատ երկրի տնքացող կրծքին նա արտասուում էր“ :

„Եւ մեզմ սխրի հետ նորա ականջին երկրի սիրտը այսպէս փսփսաց“ :

„Քեզ հետ է Յարը, թող անապատը, լեռներ ու դաշտեր, մտի՛ր շնչաւոր էակների մէջ, քեզ գտիր ընկեր, և դու կստանաս Յարի բանալին ու կսլանաս եթերից էլ վեր, ստրուկ ես ծնուել, ազատ պիտ մեռնիս. նզովք մի՛ կարգար, ես շեմ հաստատել քեզ երկրից դատող հաստ պարիսպները, դուք հաստատեցիք և դուք պիտ քանդէք նորա հիմքերը . . . “ :

„Որքան լաց եղաւ, ինքն էլ շիմացաւ, միայն երբ դարձնեց, զգաց որ շուրջը — երկնի երեսին, աշխարհի վերայ սև քօղ էր պատած, շատ շարշարուեցաւ, ի դուր աշխատեց իմանալ ի՞նչ էր անթափանցելի այդ խօլ խաւարը, և յանկարծ զգաց իրեն ապիկար այդ բանն հասկանալ — յաւէտ զըրկւած էր նա երկու աչքից . . . “ :

„Չիմացաւ ինչո՞ւ և ուր է գնում, բայց խարխափելով առաջ ընթացաւ. ուխտեց մինչև վերջ վրէժի վիշտը ու զայրոյթ երգել, սև տառապանքի դառն արտասուքով իրան հալածչի սիրտը խոցատել . . . : Եւ նա երզում է“ :

„Ես վիշտ ունիմ՝ այն լեռնաշափ, հոգիս վրդով, միտքս մոլոր, ինձ մխիթար ես կուզեմ: Մխիթարիչ փոքրիկ պատկեր — մի լուսատու ահա՛ աստղ, խուլ ու թանձր խաւարում, մօտ եմ վազում, գրկեմ նորան,



փարեմ կրծքիս, զուրգուրեմ . . . բայց երազ է,  
նա փախչում է. երկու աչքով ես կոյր եմ“ :

„Որդեկորոյս մայր եմ ես. սարեր ընկած, քար-  
բի առաջ, լեռան դիմաց, ձորերի մէջ ամեն իրի հարց  
եմ տալիս, գարդոլալիս, որդիս խնդրում. վնասուում  
եմ մի շոր քար, գլուխս դնում այդ քարի վերայ ու  
լսում հովուի սրտի խորքերից բղխած սրնդի անուշ  
մեղեղին. նա ինձ կանչում է. եկ, ահա որդիդ. ձեռքս  
մեկնում եմ, առաջ եմ վազում... բայց երազ է, նա  
փախչում է. երկու աչքով ես կոյր եմ“ :

„Ես սիրտ ունիմ, սիրտս մեծ է, խոր, անյատակ,  
որպէս անհուն ովկեանոս. խոր սվկեանի անդունդնե-  
րում տարածուած են սրտիս անթիւ, վշտով լեցուն,  
անմխիթար լարերը. մարդ եմ ուզում, սիրտս մտնի,  
զարկէ մեզմիկ թմբած, քնած լարերին. և այն ժա-  
մանակ սրտիս լարերը ողբազին ձայնով դուրս կը  
վիժեն իրանց միջից անթիւ վշտերը: Ահա ընկերս,  
գտայ նորան— ձեռքը մեկնեց, սփոփուած եմ ես  
յաւէտ . . . բայց չքացաւ, ան դա սուտ էր. ե-  
րկու աչքով ես կոյր եմ“ :

„Կեանքից զգուած, բախտից փախած մարդու  
նման անտառների պուրակներում զովանում եմ ու  
տառապում միայնակ. մեծ, հեօրեայ ընկուղենին  
սազարթախիտ տերևներով ինձ ծածկում է արևից.  
մի քանի քայլ ինձնից հեռու պարզ, սառնորակ, յըս-  
տակ, վճիտ մի տուռակ է հանդարտ պարում քշքշան.  
և ընկուղի թարմ ճիւղերին սոխակները սիրով

լցուած դայլայլում են մի վաղօրդեան շարական. կեանքս ահա, յետ է գալիս, սյժ հմ առնում. դար-  
պերս մոռցած, իբրև զինուոր մի անվեհեր՝ կեանքի  
ահեզ կռուի դաշտն հմ շտապում... բայց նա չկայ,  
դա երազ է. երկու աչքով ես կոյր հմ“:

„Ծովը ընկած, զեկը կորցրաց, անյոյս, լքեալ  
մի նաւորդ հմ. մարտ հմ մտել, մարտնչում հմ ու-  
ժից ընկած. բազուկներս դաւաճան են. անդունդն  
առաջս է ահա. ծովը կապոյտ, վերը կապոյտ, շուր-  
ջըս մշուշ, ցածը անդունդ, պատրաստում հմ ասել  
վերջին փառաբան. ձայն հմ լսում, քաջայերիչ ձայն  
է գալիս, նոր շունչ տալիս, նոր եռանդ. մտերիմ է,  
եզբօրս ձայնն է. ահա ձեռքը ինձ է մեկնել, շտա-  
պում հմ նորան գրկել. բայց նա չկայ, դա երազ է.  
երկու աչքով ես կոյր հմ“:

„Չո՛ւրջս, շո՛ւրջս լուռ անապատ, անապատի  
լուռ խորքերում, արևի տակ միշտ շիկացօզ աւազ-  
ներում մի օվազիս հմ փնտռում. նստեմ այնտեղ  
քիչ գովանամ, նոր շունչ առնեմ, հանգստանամ, ան-  
ծայր ուղիս նորից բռնեմ, ճամբայ ընկնեմ. ահա  
գտայ և նստում հմ. այրուած բերանս մօտ հմ տա-  
նում, պապակ շրթունքս անմահական ջրով թրջեմ-  
բայց նա չկայ, դա ցնորք է. երկու աչքով ես կոյր հմ“:

„Երբ հմ ասում՝ մարդիկ լսուլ են, ինձ չեն  
լսում. վիշտ հմ պատմում՝ ծիծաղում են. ես խըն-  
դում հմ՝ ինձ ծաղրում են. մարդ հմ ուզում, երբս  
լի. եղբայրական, բնկերական սիրոյ երգիս տայ

արձագանգ. վիշտս պատմեմ, ինձ հասկանայ-մխիթարի. ինձ հետ ողբայ, ինձ հետ խնդայ. ուրախ ճիշիս, ախուր վայիս լինի ընկեր... Բայց նա չկայ. երկու աչքով ես կոյր եմ“:

„Հողից գրկուած, տանից գրկուած, անհայրենիք՝ երկրի մի խուլ անկիւնում ես մեռնում եմ. ճառեր չրկան, բառեր չրկան, ոչ հողեր շարական. ընկեր կուզեմ, ինձ սրտակից մի ընկեր-անապատի մի հեզ գաւաղ. գլխիս փոքրիկ, անշուր ու չոր քար դնի. աչքից թափած արցունքներով փոքրիկ քարս, որտից թափած արեան շիթով իմ սեամած սպոր սիրտս սողի . . . . .“:

Երբ սենեակիս գուռը բաց արի, ներս հոսող գարնանային գովարար քամին շոյեց արտասուրից այրուած աչքերս...:

Արդէն առաւօտ էր:







